

# ჩემი გაზეთი

ბალდათის მუნიციპალიტეტი, ა. (ა.) ი. პ. ხელოვნებისა და ხალხურის განვითარების ცენტრი

## შედეგა იმერეთის თეატრალური ფესტივალისთვის

29 მაისს ბალდათის რეჯან ლადიძის სახელობის კულტურის სახლში გაიმართა ბალდათის სახალხო თეატრის სპექტაკლის – ვუდი ალენის „მონას“ (რეჟისორი: ვიგა მიქაძე) პრემიერა. სპექტაკლს ფესტივალ „თეატრალური იმერეთის“ წარმომადგენლები ესწრებოდნენ. პრემიერამ ბალდათში წარმატებით ჩაიარა. ჩვენი თეატრალური დასი სპექტაკლს ფესტივალზე „თეატრალური იმერეთი 2019“ 6 ივნისს წარადგენს.



## ბალდათის სამუსიკო სკოლის წარმატებები

ბალდათის ვალერიან ქაშაყაშვილის სახელობის სამუსიკო სკოლის აღსაზრდელებმა ამერიკის ორსაფეხურიან კონკურსში „მომავლის ვარსკვლავებში“ მიიღეს მონაწილეობა. კონკურსი თორმეტი წელია ტარდება და წელს მასში 687 მოზარდი იყო ჩართული. პირველი – რეგიონალური ეტაპი, 26 მარტს ქუთაისში გაიმართა. ბალდათიდან სამმა მონაწილემ: თამარ კარკაძემ, ლილე რობაქიძემ (მევიოლინე, პედაგოგი მარინა ხოტოველი) და იოანე ბაზანოვმა (ფორტეპიანო, პედაგოგი ნათელა ანდრიაძე) ჟიურის მონონება დაიმსახურა და 2 აპრილს, თბილისის კონსერვატორიის დიდ საკონცერტო დარბაზში გამართულ მეორე ეტაპზე მიიწვიეს. კონკურსანტებს ხუთკაციანი ჟიური აფასებდა. ჟიურის თავმჯდომარე ხელოვნების დამსახურებული მოღვაწე ნინო კუპატაძე გახლდათ.

ბალდათიდან სამივე მონაწილემ წარმატებით გაიარა მეორე ეტაპი და დანარჩენ 68 კონკურსანტთან ერთად ივლისში, იტალიის ქალაქ პეზაროში გამართულ საერთაშორისო კუნკურსზე მონაწილეობის საგზური მიიღო.

20 აპრილს „მომავლის ვარსკვლავები“ მეორე ტურზე, რომელიც თბილისის კონსერვატორიის დიდ დარბაზში გაიმართა, ბალდათის სამუსიკო სკოლის აღსაზრდელებმა სენაკის არტ ფესტივალის წარმომადგენლების ყურადღება მიიქციეს. ისინი მიიწვიეს ქალაქ სენაკში აღნიშნულ ფესტივალზე მონაწილეობის მისაღებად. სენაკის არტ ფესტივალის ყოველწლიურად ტარდება უწმინდესისა და უნეტარესის ილია მეორის ლოცვა-კურთხევითა და პიანისტ ვალერიან შიუკაშვილის ხელმძღვანელობით. მასში დასავლეთ საქართველოს რეგიონებში მოქმედი სამუსიკო სკოლების წარმომადგენლები მონაწილეობდნენ. წელს ფესტივალში 21 მაისს გაიმართა და ბალდათის სამუსიკო სკოლიდან საორკესტრო (ვიოლინო) და საფორტეპიანო განყოფილების მოსწავლეები ჩაერთვნენ.

მევიოლინეთა ანსამბლმა (პედაგოგი: მარინა ხოტოველი) ფესტივალზე ლაურიატის ნოდება მიიღო, ხოლო დანარჩენ მონაწილეებს ბალდათიდან საპატიო დიპლომები გადაეცათ. ვალერიან შიუკაშვილის დიდი მონონება დაიმსახურა დემურ გუმბერიძემ, რომელმაც, უბედური შემთხვევის შედეგად, თითი დაიზიანა, მიუხედავად ამისა, ის შესანიშნავად უკრავს ფორტეპიანოზე.

სენაკის არტ ფესტივალის გალა კონცერტზე, რომელიც 24 მაისს გაიმართა, გამარჯვებული 14 კოლექტივი მონაწილეობდა. ფესტივალის წარმომადგენლებმა ლაურიატები საზეიმოდ დააჯილდოვეს.

4 ივნისს, 15:30 საათზე, ბალდათის სამუსიკო სკოლაში სავიოლინო კლასის კონცერტი გაიმართება. აქვე წარმოდგენილი იქნება მე-3 კლასის მოსწავლის მარიამ ჯიხვადის ნახატები და ლილე რობაქიძის ლექსები.

„ჩემი გაზეთი“ წარმატებებს უსურვებს ბალდათის სამუსიკო სკოლის ნიჭიერ აღსაზრდელებს.

აზა მახანიაშვილი

## ლიბერალური ფესტივალი „მაიაკოვსკის ხალხურად - პართიანებო მსოფლიოს“

მიმდინარე წლის 9-14 მაისს ბერლინში გაიმართა ლიბერალური ფესტივალი „მაიაკოვსკის კვლადაკვალ - ვაერთიანებო მსოფლიოს“, რომელსაც საფუძველი 2018 წელს ბალდათში ჩაეყარა. ვ. მაიაკოვსკის შემოქმედებისადმი მიძღვნილი საერთაშორისო ფესტივალის ერთ-ერთი დამფუძნებელი ბალდათის მუნიციპალიტეტის მერიაც არის. ბერლინის ფესტივალი მიეძღვნა ბალდათში დაბადებული გენიალური პოეტის, დრამატურგისა და მხატვრის ვლადიმერ მაიაკოვსკის შემოქმედებას. გერმანიაში ფესტივალის ორგანიზატორების მიერ მონაწილეობის მისაღებად მიიწვიეს ბალდათის მუნიციპალიტეტის დელეგაცია. კერძოდ, მუნიციპალიტეტის ხელმძღვანელობა და ვ. მაიაკოვსკის შემოქმედებასთან დაკავშირებული პირები (ბალდათის მუნიციპალიტეტის მერი ა. გოგსაძე, ა. (ა.) ი. პ. ბალდათის ხელოვნებისა და კულტურის განვითარების ცენტრის დირექტორი ვ. კვინიხიძე, ბალდათის ვლადიმერ მაიაკოვსკის სახლ-მუზეუმის მენეჯერი ბ. კუჭუხიძე, სამეცნიერო, სალიტერატურო და საერთაშორისო მიმართულების ხელმძღვანელი კ. კიკნაძე, სოლისტი (ტენორი) ბ. სახამბერიძე და კონცერტმაისტერი ც. კაიშაური). ფესტივალზე ასევე მიწვეული იყო ვლადიმერ მაიაკოვსკის მოსკოვის სახელმწიფო მუზეუმის დელეგაცია. სტუმრებს შორის

იყვნენ ის პოეტები, მწერლები, მთარგმნელები, პუბლიცისტები, თეატრალური ჯგუფები, მუსიკოსები სხვადასხვა ქვეყნიდან, რომელთა მოღვაწეობა ვ. მაიაკოვსკის შემოქმედებასთან არის დაკავშირებული. ფესტივალის ფარგლებში გაიმართა სხვადასხვა სახის აქტივობები: ლიტერატურული შეხვედრები, კონფერენცია, თეატრალური პერფორმანსი, კონცერტი და ა.შ. ბალდათის დელეგაცია აქტიურად იყო ჩართული ფესტივალის პროგრამაში. კონსტანტინე კიკნაძემ ვლადიმერ მაიაკოვსკის საქართველოსა და ბალდათში გატარებულ წლებზე, ბალდათთან მაიაკოვსკების ოჯახის კავშირზე, ისაუბრა – გაიხსენა ბერლი უცნობი და საინტერესო დეტალი პოეტის ცხოვრებიდან. ასევე მოეწყო მაიაკოვსკის შემოქმედების თარგმანების განხილვა. შეხვედრებს უამრავი ადამიანი ესწრებოდა, რომლებმაც ამომწურავი ინფორმაცია მიიღეს არა მხოლოდ ბალდათში არსებული მაიაკოვსკის მუზეუმისა და მისი საქმიანობის, არამედ მთლიანად მუნიციპალიტეტის ტურისტული პოტენციალის შესახებ. ზაალ ებანოიძისა და კონსტანტინე კიკნაძის თარგმანები (მაიაკოვსკის ლექსები და პოემები) გადაეცა ქართულ დიასპორასა და გუმბოლდის სახელობის უნივერსიტეტის სტუდენტებს, რომლებიც ქართულ ენას სწავლობენ. ბ. სახამბერიძემ და ც. კაიშაურმა თავიანთი

შემოქმედება წარმოადგინეს ფესტივალის ფარგლებში გამართულ კონცერტზე, საღამოებსა და შეხვედრებზე. აქვე გვინდა აღვნიშნოთ ზოგიერთი საინფორმაციო საშუალების მიერ გავრცელებული იმ არასწორი ინფორმაციის შესახებ, რომ ბერლინში ბალდათის დელეგაცია ანსამბლ „საირმე“-ს ნაცვლად გამგზავრა: გერმანიაში გამართულ ლიბერალურ ფესტივალს „მაიაკოვსკის

კვლადაკვალ - ვაერთიანებო მსოფლიოს“ არაფერი აქვს საერთო ბერლინში, 2018 წლის მაისში გამართულ მარცან-ჰელეს-დორფის ტრადიციული სიმღერის ფესტივალთან, რომელიც ა. (ა.) ი. პ. ბალდათის ხელოვნებისა და კულტურის განვითარების ცენტრთან არსებული ფოლკლორული ანსამბლი „საირმე“ იყო მიწვეული. წლებადელ ბერლინის სიმღერის ფესტივალზე ანსამბლი მიწვეული არ ყოფილა.







### თვიან თქმე

დასაწყისი მე-3 გვ.-ზე

\*\*\*

14 მაისს ბაღდათის რევაზ ლალიძის სახელობის კულტურის სახლში მხიარულთა და საზრიანთა კლუბის ფინალი გაიმართა. ფინალში ერთმანეთს 4 სკოლა დაუპირისპირდა: ქალაქ ბაღდათის №2, სოფელ დიშის №1, როხისა და ვარციხის საჯარო სკოლები. თამაში ქალაქ ბაღდათის №2 საჯარო სკოლის გუნდის – „ჯოკერის“ გამარჯვებით დასრულდა. ერთნაირი ქულებით მეორე ადგილი დაიკავა სოფელ როხისა და დიშის №1 საჯარო სკოლის გუნდებმა. მესამე ადგილზე კი – სოფელ ვარციხის საჯარო სკოლის გუნდი გავიდა.

თამაშის ბოლოს სხვადასხვა ტიტული მიენიჭა რამდენიმე მონაწილეს: ჩემპიონატის „საუკეთესო მონაწილე“ ვაჟებს შორის გახდა თემო კბილაშვილი (დიშის №1 საჯარო სკოლა), ტიტული „თამაშის აღმორჩენა“ მიენიჭა ტატო ყორყოლიანს (დიშის №1 საჯარო სკოლა), „ჩემპიონატის ტიპაჟი“ გახდა დურუ კაცაძე (სოფელ როხის საჯარო სკოლა), ხოლო „ჟიურის სიმპათია“ – ნიკა გუმბერიძე (სოფელ ვარციხის საჯარო სკოლა). გამარჯვებულ გუნდს ბაღდათის მუნიციპალიტეტის მერიამ და საკრებულომ ფულადი ჯილდო გადასცა.

\*\*\*

18 მაისი, მუზეუმის საერთაშორისო დღე, ყოველწლიურად აღინიშნება აქციით „ღამე მუზეუმში“. აქციის ფარგლებში, დღეს, საქართველოს თითქმის ყველა მუზეუმში, ღია კარის დღე ცხადდება და დამთვალიერებელს სრულიად უფასოდ გვიან ღამემდე მასპინძლობს. აქცია „ღამე მუზეუმში“ მიზნად ისახავს საზოგადოებაში მუზეუმების პოპულარიზაციას. აღნიშნულ ღონისძიებაში ვლადიმერ მაიაკოვსკის სახლ-მუზეუმი და ეთნოგრაფიული მუზეუმი ყოველწლიურად ერთვება და მიმდინარე წელიც არ ყოფილა გამონაკლისი – დღევანდელი აქციის ფარგლებში, ბაღდათის მუზეუმებმა ვიზიტორებს გვიან ღამემდე უმასპინძლა და შესთავაზა კულტურულ-გასართობი ხასიათის ღონისძიება, რომლის მთავარი თემა ვლადიმერ მაიაკოვსკი და მისი შემოქმედება იყო.

\*\*\*

კომპანია Travel agency – „Magic Group“ თორმეტი წელია ატარებს არტ ფესტივალს – „გაზაფხულის ფერები – კავკასიის თასი“ – ბავშვთა ქორეოგრაფიული ანსამბლებისთვის. 18 მაისს ფესტივალს ბაღდათის რევაზ ლალიძის სახელობის კულტურის სახლმა უმასპინძლა და მასში მონაწილეობა თბილისის, რუსთავის, ბათუმისა და ქედის პატარა მოცეკვავეებმა მიიღეს. ფესტივალის თბილისის ფოლკლორის ცენტრის (სამხატვრო ხელმძღვანელი გიორგი უშიკიშვილი) მომღერალ ვაჟთა და გოგონათა გუნდებმაც გააღამაზეს.

## სკზხფყრნი ამბები

### ნახმატბუნი ასპაჩოზობა ჩოსატაჟის სახითაშოხისო ტახნიხზა

13-15 მაისს, ჩოხატაურში, სამშობლოს დამოუკიდებლობისათვის მეგრძოლ ქართველ და ებრაელ გმირთა ხსოვნისადმი მიძღვნილი საერთაშორისო ტურნირი გაიმართა. შეჯიბრება თავისუფალ ჭიდაობაში ჩატარდა 2005-2007, 2008-2010 წლებში დაბადებულთა შორის. საერთაშორისო ტურნირზე ა. (ა.) ი. პ. ბაღდათის სპორტისა და მოზარდთა აქტივობის ცენტრი 12 მოჭიდავეთ იყო წარმოდგენილი და მნიშვნელოვან წარმატებასაც მიაღწიეს.

სხვადასხვა წონით კატეგორიაში პირველი ადგილის მფლობელები გახდნენ: ბურჯანაძე დათო, თოლორდავა გიორგი, თოლორდავა მერაბი, აბულაძე გიორგი და გუმბერიძე გურამი.

მეორე ადგილზე გავიდნენ: ბურჯანაძე გიორგი, აბრამიშვილი გუგა და ფანგანი იგორი, ხოლო მესამე ადგილზე – ბურჯანაძე ემზარი და გიგაშვილი ამირანი.

გარდა ამისა, ბაღდათელმა სპორტსმენებმა პირველი ადგილი დაიკავეს საერთო გუნდურ ჩათვლაში.

ტურნირი არასამთავრობო ორგანიზაცია „შალომკლუბ გურიასა“ და ჩოხატაურის მუნიციპალიტეტის სპორტისა და სპორტულ ღონისძიებათა ორგანიზების ცენტრის მიერ გაიმართა FILA-ს მოქმედი წესებით.

დავით ყიფიანი



ბაღდათის მუნიციპალიტეტის ა. (ა.) ი. პ. ხელოვნებისა და კულტურის განვითარების ცენტრი საქართველო, ბაღდათი, ჯახიანის ქ. №3  
ტელ: 595 538 536; 591 00 76 54  
ელ ფოსტა: chemigazeti@gmail.com

## სამოყვარულო ღიმილს გათამაშება ფეხბურთში



15 მაისს დაიწყო სამოყვარულო ლიგის გათამაშება ფეხბურთში ბაღდათის მუნიციპალიტეტის ტერიტორიული ერთეულების გუნდებს შორის.

პირველ დღეს, 15 მაისს, მეოთხედფინალის ოთხი შეხვედრა გაიმართა და ქულები ასე გადანაწილდა:

- როხი – ფერსათი 2-1
- დიში – უკლება 2-1
- ბაღდათი – როკითი 2-1
- ოზა – ვარციხე 1-1 პენ. 4-3

21 მაისს სამოყვარულო ლიგის გათამაშების ნახევარფინალები გაიმართა და ერთმანეთს ბაღდათი-როხი და დიში-ოზა დაუპირისპირდნენ. პირველ ნახევარფინალურ შეხვედრაში ბაღდათმა როხი 2:1 დაამარცხა. დიში – ოზას მეორე ნახევარფინალური მატჩის ძირითადი დრო ფრედ, 3:3 დასრულდა, პენალტების სერიაში კი დიშმა 4:3 მოიგო და ფინალში გავიდა.

სამოყვარულო ლიგის გათამაშება ფეხბურთში ბაღდათის მუნიციპალიტეტის ტერიტორიული ერთეულების გუნდებს შორის 15 მაისს დაიწყო და 23 მაისს დასრულდა.

ფინალში ერთმანეთს ბაღდათისა და დიშის გუნდები დაუპირისპირდნენ. თამაში ბაღდათის გამარჯვებით 3:0 დასრულდა. ფინალისტი გუნდები ბაღდათის მუნიციპალიტეტის მერიის მიერ თასებითა და ფულადი პრიზებით დაჯილდოვდნენ: გამარჯვებულ ბაღდათის გუნდს 600 ლარი, ხოლო დიშს 400 ლარი გადაეცა.

გამარჯვებული გუნდი „ბაღდათი“ ივლისიდან რეგიონულ ტურნირზე განაგრძობს ასპარეზობას.

დავით ყიფიანი

<p>რედაქტორი ანა ქორიძე ტექნიკური რედაქტორი დავით ყიფიანი „ჩემი გზა“ გუნდი: მარიამ ოქროჭელიძე, ანეკლინა ჭავჭავაძი, აზა მამანიშვილი, ნინო სახამბერიძე, ფოტო: ანა ფხალაძე</p>	<p>გაზეთი დაჯავადონდა ი/მ მამუკა ჭოლაძის მიერ დაიბეჭდა შ.პ.ს. „ქოლოში“</p>
---	--